

京城九門并宣課都稅等衙門課程錢鈔兼收例
成化元年七月十一日太子少保戶部尚書馬 等

題洪惟我

朝自

太祖高皇帝開國創業垂統暨

列聖相承即造大明寶鈔要銅錢通行使用便民

使用天下之年久而軍民互相交易買賣生活而所以
家給人足戶無怨嘆之聲斯世其民何其幸歟奈何
近年以來人心不古罔念遵守圖法刁詐蠹起奸計
百生巧捏市語立名多端過錢買物百般推托縱有
賣者只要祥符大樣雙邊雙堰好錢及將歷代錢
又不要開元大觀等錢致使錢法愈見不通軍民買
賣阻滯生意艱難過活貧窘深可為憂雖曰官府立

法禁治人心頑潑屢犯終不知悛若不使易規畫別為處治則法日不行而民將下咸歸怨且錢之為体有乾坤之象實為民之命脉脉流行則動壅滯則病錢法不通則人過活艱難將有逃竄則生不測之患錢必須早為更唯整置度有以安慰之心保固邦本而行通變之法如蒙准題先自京城九門并都稅宣課等司批驗茶引等所衙門額辦商稅門攤竭店等房諸色物行該納課程及各衙門日逐收受大小車輛驛馱載該納錢鈔自行文書到日為始鈔數則例依舊就便省諭各戶錢鈔中伴相兼送納假如該納一貫止令納鈔一貫不在兼收之例但銅錢一千文

舊制筭該一貫以今論之銅錢一千文特值價銀一兩有比輕重久宜伏乞

聖明區處每鈔一貫許令納銅錢來文着為定例人易遵守不待刑驅勢逼而錢法自然額得疏通矣仍乞通行天下衙門但有該徵商稅課程船料等項鈔貫一体依例相兼銅錢收稅該起運赴京者錢鈔照數起送該部就彼支給各該官司領用者依數相兼撥付毋得故違其所收銅錢除錫破新鑄偽錢不收外餘者不拘年代遠近國圖銅錢盡數驗收以便生民以通錢法實為生民造福無窮矣臣等職司國課變通法戕見短淺未知可否伏乞

聖裁錄係變易課程以通錢法事理未敢擅便定奪具題奏

聖旨錢鈔中半兼收每鈔一貫收錢四文除破碎并錫錢不條其餘銅錢不拘新收年代遠近盡數驗收欽此